



Balthus siue Galthus premortuo Amalo in re-
 gno successit. Hic tot præclara facinora edi-
 dit, ut eius imperium non breuem historiam, sed
 aliquot libros contineret, si fidelis antiquitas eius
 gesta ad posteritatis notitiã trãsmisisset. Eius tẽpo-
 re, anno mũdi 4600. inter Gothos seditio orta est.
 Itaq; Gepidæ ab ipsis discedere coacti, sibi novas
 sedes q̄siuerunt, in eo loco q̄ hodie Vualachia di-
 cit̄. In ijs locis adeò inualuere, ut postea Vuãdalis
 & Gothis formidini esse cœperint. Ex hoc Balto
 nobilis familia Baltorum longo & splendido suc-
 cessionis ordine profluxit, quæ etiamnum apud
 Septentrionales Gothos & Sueones illustris ha-